

## **Claudii Fleurii Abbatis Historia Ecclesiastica**

Ab anno Christi 1589. usque ad annum 1595 - Una Cum Criticis R.P.  
Honorati A S. Maria Carmel. Discalc. Observationibus In Historiam  
Ecclesiasticam Abbatis Fleurii

**Fleury, Claude**

**August. Vind. [u.a.], 1772**

**VD18 90118669**

§. 115. Cardinales conclave ingressi.

---

[urn:nbn:de:hbz:466:1-67252](#)

inde ad Regem Sigismundum quos-Sæcul. XVI.  
dam decernunt, ut eidem exponerent,  
A.C. 1592.  
quod violenti ejusmodi insultus, de  
quibus questum venissent, non minus  
regiam dignitatem, quam tranquilli-  
tatem publicam violarent: quapropter  
Deputati Regi significare jubebantur,  
quod frequentiori numero Radomi con-  
venire decrevissent, huicque conven-  
tui Lithuania pariter Nobilitas acce-  
sura esset, proin Regem rogarent, ut  
Evangelicis denuo locus, in quo ad li-  
bere exercendos sectæ suæ ritus con-  
veniant, Cracoviæ attribuatur, & Co-  
mitia, in quibus pax Religionis consti-  
tuatur, primo quoque tempore indi-  
cantur. Hos delegatos non sine animi  
indignatione exceptit Sigismundus, &  
amare increpuit, quod privata aucto-  
ritate contra Regni jura conventum in-  
stituissent hæretici, quocirca eis dun-  
taxat permisit, ut cuivis sectam suam  
profitendi libertas esset, ac domus di-  
rutas restaurare, ibique convenire cun-  
ctis liceret.

### §. CXV.

#### *Cardinales conclave ingressi.*

Interea Romæ de eligendo novo Pon-  
Thuan. t. 1.  
tifice agebatur; eapropter Cardina-  
les numero quinquaginta duo die de-  
cima Januarii Anno a partu Virginis  
mille-

**Sæcul. XVI.** millesimo quingentesimo nonagesimo  
A.C. 1592. secundo sacris comitiis initium fecere,  
 ubi Cardinali Sanseverino quamplurimi  
 favebant, ceterosque ad illius elec-  
 tionem inducere nitebantur, unde etiam  
 altera die undecima ejusdem Mensis  
 palam a plurimis in Papam nominaba-  
 tur, nam partis Hispanicæ Cardinales  
 unacum Madrutto suorum principe, ne-  
 non Montaltus cum suis clientibus con-  
 festim Sanseverinum publico obsequio,  
 quod adorationem appellant, tanquam  
 Pontificem declarare decreverant, hinc  
 mox triginta tres Cardinales Sanseve-  
 rini cubile ingressi, eundemque velut  
 Papam salutantes eum ad Sacellum  
 Paulinum deducebant, ubi ejusdem  
 electio abs dubio confirmata fuisset, nisi  
 Cardinalis Ascanius Columna junior,  
 qui eodem errore inductus jam Sacel-  
 lum cum aliis ingressus erat, a Sfortia  
 monitus sese subduxisset, illum frustra  
 retinere conantibus Henrico Cajetano,  
 & Hieronymo Matthæo Cardinalibus.

### §. CXVI.

#### *Sanseverini electio variis modis præpedita.*

**Thes. l. 103.** Pariter Cardinali Sfortiæ sese conjun-  
**Spond. n. I.** xit Columna, qui de oppositæ par-  
 tis vi, atque injuria coram suis Sociis  
 tam alta voce querebatur, ut etiam a  
 cunctis